

AVB:

Top di futbol internacional ta na Aruba

ORANJESTAD - Den cuadro di varios proyecto andando den forma simultaneo, e siman aki varios ehecutivo di mundo di futbol ta na Aruba, pa topa cu Arubaanse Voetbal Bond (AVB). "Masha poco ta sosode cu ehecutivonan halto di e organisacionnan mas prominente di futbol ta na mesun momento na Aruba.

Pa nos esaki ta un honor, specialmente pasobra el a concedi net bon cu nos weganan final di division di honor", asina Richard Dijkhoff, Presidente di AVB a duna di conoce. Probechando nan bishita na Aruba, a bay bishita Gobernador Fredis Refunjol, pa informa su persona di e proyectonan y e avancen cu futbol di Aruba ta pasando den dje.

AVB ta existi di aña 1932 y a afilia na CONCACAF na aña 1986 y despues na FIFA na aña 1988.

E ultimo añanan aki ta pasando den un proceso di transicion for di un organisacion di boluntario, pa un organizacion profesional. E no ta un desaroyo facil, pa cual ta hayando hopi sosten di e organisacionnan internacional. No solamente financiero, sino tambe sosten cu conocimiento, cu guia y cu material. Por ehempel FIFA ta na Aru-



ba pa splica riba e reformanan cu e organizacion mundial mes ta pasando actualmente den dje y cu ta rekeri pa organisacionnan partner, manera AVB, tambe mester aplica. Un di nan ta por ehempel cu e aña fiscal di AVB ta core di juli pa juni, mientras cu di FIFA ta core di januari pa december, pa cual ta pidi pa cambia e statutonnan di AVB pa e aña fiscal core pareu.

FIFA ta para pa "Fédération Internationale de Football Association", ta existi desde 1904 y tin nan sede principal na Zurich. Na tur nan tin 211 asociacion nacional cu hunto ta forma FIFA. Na aña 2013 FIFA a raporta entradanan cu a surpasa 1.3 biyon dollar Americano y tin reserva di riba 1.4 miyon dollar Americano.

A probecha nan bishita pa topa tambe cu Plus Accountant pa repasa e "audit" di aña

2015, cu ta canando segun schedule y cu ta den ultimo fase pa finalisa y pa por entrega esaki na FIFA. Na mes momento, a atende e cambionan den maneho na unda cu e organizacion internacional ta mas habri pa proyectonan, pa por duna subsidio. Claro cu tur esaki ta mara na condicionnan mas estricto, pa cual a repasa e condicionnan y rekisitonan aki cu e dirigenten di AVB na Aruba.

Koninklijke Nederlandse Voetbal Bond (KNVB) ta existi desde aña 1889 y ta un di e fundadonan di FIFA na aña 1904.

Nan ta na Aruba cu tres ehecutivo, specialmente pa inventarisa e teamnan di futbol pa lansa un proyecto di "Jeugd Voetbal" cu lo desemboca den un "Youth Academy". Na Hulanda e ta masha exitoso pa cual nan ta riba nos isla pa midi e apetit di e teamnan pa

un programa similar, cu nan lo por yuda guia y promove.

CONCACAF ta para pa "Confederation of North, Central America and Caribbean Association Football" y ta existi desde 1961. Nan bishita na Aruba ta primordialmente pa lansamento di e programa di futbol pa hende muhe "Women's Football" y a probecha pa mira e prome wega final di division di honor. Nan a keda masha impre-

ante di Rey di Hulanda a bisa e delegadonan cu e ta sinti su mes masha honra di tin Gregory Engelbrecht cerca dje. Especialmente pa motibo cu e ta e Arubiano cu e funcion di mas halto y importante den FIFA, trahando na Zurich, pero mas ainda...pasobra e tabata un alumno di dje den klas durante su añanan na scol basico. E mandatario no por a sconde su orguyo di a forma un parti den educacion di e hoben Arubiano aki.



sion a cu e desaroyonan, cu e cambionan cu ta bisto caba y den e participacion di publico ultimamente den futbol local. Nan ta spera cu por haci mesun cos awor pa futbol di hende muhe.

E bishita na Gobernador tabata masha special, pasobra na entrada caba e maximo mandatario local y represent-

Riba e foto adhunto por aprecia di robes pa drechi Teun Jacobs di KNVB, Gregory Engelbrecht di FIFA, Sonia Bien-Amie di FIFA y CONCACAF, S.E. Gobernador Refunjol, Richard Dijkhoff, Presidente di AVB, Angenie Kanhai di FIFA y Harem van der Sijp, kende ta Secretario General adhunto di AVB. □